

**Gerakan tetap berusaha
Utusan Online
December 5, 2011**

PUTRAJAYA 4 Dis. - Parti Gerakan tetap akan berusaha untuk menang Pilihan Raya Umum Ke-13 (PRU13) walaupun parti komponen lain turut berminat untuk bertanding di kerusi yang pernah parti itu tandangi pada pilihan raya umum sebelum ini.

Presidennya, Tan Sri Dr. Koh Tsu Koon berkata, semua parti komponen Barisan Nasional (BN) perlu bersikap positif dan yakin dengan kewibawaan masing-masing, bukannya saling berebut kerusi untuk bertanding.

Sehingga kini katanya, Gerakan telah berusaha untuk memenangi hati rakyat di kawasan yang pernah ditandinginya bagi memastikan kemenangan berpihak kepada parti itu pada PRU 13.

"Kita akui, Gerakan sebelum ini tewas di beberapa kawasan yang ditandingi, namun pada PRU13 kami bertekad untuk merampas kembali kawasan tersebut," katanya kepada pemberita di sini hari ini.

Hakcipta Terpelihara © UTUSAN MELAYU (M) BERHAD

Source:

http://www.utusan.com.my/utusan/info.asp?y=2011&dt=1205&pub=Utusan_Malaysia&sec=Politik&pg=po_15.htm